

6. gr.

Orðin: „og Fiskveiðasjóðs Íslands“ í 1. mgr. 14. gr. falli niður.

7. gr.

15. og 16. gr. falli niður og breytast númer seinni greina í samræmi við það.

8. gr.

Orðin: „samkvæmt ákvæðum 11.-16. gr.“ í 17. gr., er verður 15. gr., falli niður.

9. gr.

19. gr. er verður 17. gr. orðist svo: Óheimilt er að gera breytingar á skipi sem hefur leyfi til veiða með aflamarki þannig að rúmtala þess aukist nema flutt sé veiðileyfi af öðru skipi eða skipum sem eru jafnstór að rúmtölu og stækkuninni nemur.

Þrátt fyrir 1. mgr. er heimilt að breyta skipi sem hefur heimild til veiða með aflamarki, þannig að rúmtala þess aukist, hafi slíkar breytingar ekki verið gerðar á síðustu 7 árum eða skipið stækkað með endurnýjun samkvæmt 13. gr., enda aukist hún ekki um meira en 100 rúmmetra að viðbættum 25% en þó aldrei meira en 60%.

Tilkynna skal til Fiskistofu um fyrirhugaðar breytingar á skipum samkvæmt þessari grein.

10. gr.

Reglugerð þessi er sett samkvæmt ákvæðum laga nr. 38, 15. maí 1990, um stjórn fiskveiða með síðari breytingum, laga nr. 57, 3. júní 1996, um umgengni um nytjastofna sjávar og laga nr. 151, 27. desember 1996, um fiskveiðar utan lögsögu Íslands, og öðlast þegar gildi.

*Sjávarútvegsráðuneytinu, 13. mars 1998.*

**Þorsteinn Pálsson.**

Árni Kolbeinsson.

## GJALDSKRÁ

**fyrir sorphirðu (sorphreinsun og eyðingu) í Stykkishólmi.**

1. gr.

Bæjarstjórn Stykkishólms er heimilt að leggja á sérstakt sorphirðugjald (hreinsunar-, flutnings- og sorpeyðingargjald).

2. gr.

Bæjarstjórn er heimilt að innheimta gjald vegna sorphirðu mánaðarlega samkvæmt flokkun eða vigt. Gjaldið er árlega sem hér greinir:

- Íbúðir, íbúðarhúsnæði kr. 5.800 á íbúð. Gjaldið má innheimta með fasteignagjöldum samkvæmt ákvörðun bæjarstjórnar.
- Fyrirtæki, stofnanir, félög og aðrir sambærilegir lögaðilar. Sorphirðugjald er kr. 4.300 á fyrirtæki m.v. hvert sorpílát, auk sorpflutnings frá móttökustað og eyðingargjalds skv. eftirfarandi flokkun:

	kr.		kr.
Flokkur 1	1.500	Flokkur 6	95.000
Flokkur 2	9.500	Flokkur 7	130.000
Flokkur 3	19.000	Flokkur 8	230.000
Flokkur 4	38.000	Flokkur 9	330.000
Flokkur 5	57.000	Flokkur 10	9,51 kr/kg

Bæjarstjórn skipar aðilum í gjaldflokka og tekur við álagningu mið af umfangi, starfsemi og sorpgerð svo sem kostur er. Bæjarstjórn er heimilt að endurskoða álagningu einstakra lögaðila ef verulegar breytingar verða á forsendum álagningarinnar. Bæjarstjórn er heimilt að veita afslátt frá gjaldskrá.

Aðilar skulu sjálfir sjá um að koma úrgangi úr kerjum og gámum á móttökustað. Eindagi er 30 dögum eftir útskrift reiknings.

### 3. gr.

Bæjarstjórn er heimilt að setja sérstaka gjaldskrá fyrir leigu á kerjum og gámum.

### 4. gr.

Bæjarstjórn Stykkishólmsbæjar er heimilt að setja sérstaka gjaldskrá fyrir þjónustu sem veitt er aðilum utan marka bæjarins. Ef aðili er með rekstur bæði innan og utan marka bæjarfélagsins skal greiða sérstaklega fyrir förgun flokks frá þeim hluta starfseminnar sem staðsett er utan Stykkishólmsbæjar.

Heimilt er að innheimta fyrir urðun á rækjuskel og öðrum stoðgrindum hryggleysingja sem svarar áætluðum urðunarkostnaði sem bæjarstjórn hefur samþykkt.

Bæjarstjórn er heimilt að áætla magn flokkaðs úrgangs fyrirtækja í flokki 10 eða innheimta samkvæmt eftirfarandi gjaldskrá:

Fyrir flokkaðan brotamálm greiðast kr. 5.000 fyrir tonnið, ekki mega vera eldsneyti eða kælivökvi á vélum, né nokkur önnur spilliefni. Spilliefni skulu tekin af vélum á viðurkenndan hátt og skilað til móttökustöðvar.

Fyrir dekk greiðast kr. 5.000 fyrir hvern rúmmetra.

Fyrir flokkað timbur greiðast kr. 4.000 fyrir tonnið.

Fyrir flokkaðan pappír greiðast kr. 4.000 fyrir tonnið.

Skila skal vigtarseðlum frá Hafnarvog á móttökustað og er vigtarkostnaður innifalinn í verði. Fyrir blandaðan úrgang greiðast kr. 10.000 fyrir tonnið.

Fyrir grófan úrgang (steypu- og múrbrot, gler, jarðveg o.fl.) greiðast kr. 500 fyrir hvern rúmmetra. Innheimta samkvæmt 3 og 4 gr. er með sérstökum reikningi, eindagi 30 dögum eftir útskrift reiknings.

### 5. gr.

Að lokinni álagningu gjalda, samkvæmt b. lið 2. gr., gefst greiðendum 30 daga frestur til að gera athugasemdir við flokkun bæjarstjórnar. Ósk um breytingu gjalda skal vera skrifleg og vel rökstudd og er bæjarstjórn heimilt að breyta gjaldtöku með tilliti til athugasemda.

### 6. gr.

Tekið er á móti spilliefnum án endurgjalds, þó skal greiða fyrir móttöku kæli- og frystiskápa meðan ekki er komið á kerfi fyrir ósoneyðandi kælimiðla í samræmi við lög um spilliefnagjald. Apótek taka á móti lyfjaafgöngum.

### 7. gr.

Húsbyggjendum er í upphafi afhent sorpílát án endurgjalds og fyrirtæki eiga kost á leigu á 660 ltr. og 1100 ltr. íláti. Endurnýjun sorpílláta er á kostnað húseigenda.

### 8. gr.

Gjaldskrá þessi sem er samin og samþykkt af bæjarstjórn Stykkishólmsbæjar, staðfestist hér með samkvæmt 18. gr. laga nr. 81/1988 um hollustuhætti og heilbrigðiseftirlit, með

breytingum, og samþykkt nr. 123/1998 um sorphreinsun í Stykkishólmi til að öðlast gildi þegar í stað.

*Umhverfissráðuneytinu, 9. mars 1998.*

F. h. r.

**Ingimar Sigurðsson.**

Sigurbjörg Sæmundsdóttir.